



Rivebol

Mesiakraf gu fent. Vaf baynuq ke rivebol (*Ovibos moschatus*) gu nustuca ke fent sostar, koe moekote ginobana lofentunafa gola ke naelafa lenteka. Bak saz vas -27°, arti sanoya wexa, yankasabesiki platini kom myot va +2° bazer ! Rivebol tir paasenackaf kev noldotcek ise sotir antaf moukoi rodezavazgis kev lopof noldot. Batdume mo lindafa krimpa va rifa fa sinka rotaneyar, liz nolda tsentena gan suka isker da rarf werd isu tij rotawid. Remi noldotcek, milgik gee suka is aname riveboloccem losiakraf gu fent va sint katanad. Guazafe rivebolye va rundaja kereded aze remi konak viel batinede venkon zavzagid. Myot ke rivebol tir kum abrotcaf imtum atris vomo lofentaf cadim ; fentugalon im ke geak kale kriza gitir. Valeveon say va keskotapafa sostasa bada tuke vuca tazakar.

Abrotce : 2.30 m-
Upene : 1.30 m-
Aldo : cuigon 300 kg-

Yorda ke okilik. Rivebol dene tum dem tevoy ik anyustoy olkik (cuigon tol-sanoy) gilton blir, i dene tum dem toloya ok baroya sulemya is abic oc is tanoye milgikye tise okilik rubas va musuca ke milkava. Viele idatcol vanvulted, pune va tumolkeem kabelcar aze taneon malplatri.


Titsuyafa nolda nutir dalafa volnaca ke bat alnaf veotes dunol kire tater da in va werd estutuson rovansar (idulugalon va toa ke klodafa dzopoka isu anga gu sinka giloplekur).

Batugale, rivebol koe Nunaata is abica ewala ke artikafa Kanada dum Ellesmere ewala isu Graham isu North Devon anton wan lapter. Koe lanyona gola dum taltefa krimta ke Hudson bira, vugote lapter. Bata prantafa govitolinda koe Alaska tcon dimon zo koplekuyur radimida gan ayik zo tcbanerseyer nune zo awalkopeyer.



Idatcol sotir antaf wiyasak va rivebol ; va merodeseniendas riveboloc ik sostayan ik axaf ik klaarsaf sulem anton konnar. Lente idatcoltum, rivebol va ordaf frez vanukatud :

rivebolye aname rivebolya is ocem va int rundad, va sint keveon licad, takomad nune va nolemi key dilifisik atoted. Numen lente man obllart oem letothkrafu jo, idatcol gorodimelant.



Nolotsa tir gasitafa : walraf levak prosilkoraf tir tcurtaf. Abrotce ke nola ke milgikye tir vas 65 cm- ise ke milgikya vas 35 cm-. Ba klaa vas san-anuyusoy aksaf, isam tir vas 18 cm-. Korta ina sotir batatakafa, dem toloya maritafa kriza.



Bak pereakat is anyusteakat, to renacadim tir. Voxen rivebolye va sint isam abidon toz alerlad ; kevek vakked ise va sint fibon vordvadi. Oc (sotre tanoy fluxe rivebolye) bak baltemekact ok alubeakat diretanon kobiki aze arti abic bawt grupupeteyd ise rodeltzewed.

Dile rivebol va voa ok uzadma idulugalon remanir, bak cadim edje inaf myot tir trefaf ise kallon turordawer. Bak lanyona banda edje fentugal tir popof, pune tapeyes sid va avallera ke jontik sulem nekar, nospe-kiloto okikaren sin va sinka leve tapbada mesa rovonsaaz.

